

cegovini, prema kojem je Visoki predstavnik konačni autoritet u zemlji u pogledu tumačenja gore navedenog Sporazuma o implementaciji civilnog dijela Mirovnog ugovora; i posebno uzevši u obzir član II 1. (d) istog Sporazuma prema kojem Visoki predstavnik "pomaže, kada ocijeni da je to neophodno, u rješavanju svih problema koji se pojave u vezi sa implementacijom civilnog dijela Mirovnog ugovora";

Pozivajući se na stav XI.2 Zaključaka Konferencije za implementaciju mira održane u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u vezi sa tumačenjem Sporazuma o implementaciji civilnog dijela Mirovnog ugovora, kako bi pomogao u iznalaženju rješenja za probleme u skladu sa gore navedenim "donošenjem obavezujućih odluka, kada ocijeni da je to neophodno", o određenim pitanjima, uključujući i (prema tački (c) stava XI.2) "mjere kojima se obezbjeđuje implementacija Mirovnog sporazuma na cijeloj teritoriji Bosne i Hercegovine i njenih entiteta";

Obzirom na stav 12. 1 Deklaracije Vijeća za implementaciju mira sa sastanka održanog u Madridu 15. i 16. decembra 1998. godine u kojem je jasno rečeno da Vijeće smatra da je uspostava vladavine zakona, u koju građani imaju povjerenja, preduvjet za trajni mir te za samoodrživu ekonomiju koja može da privuče i zadrži i strane i domaće ulagače;

Obzirom i na stav 3. Aneksa II (Vladavina zakona i ljudska prava) pomenute Deklaracije prema kojemu je uspostava sudskih institucija na državnom nivou, čime bi se zadovoljila potreba data u Ustavu a koje bi se bavile krivičnim djelima koja su počinili zvaničnici Bosne i Hercegovine u toku obavljanja službene dužnosti kao i upravnim i izbornim pitanjima, osnovni preduslov za uspostavu vladavine zakona u Bosni i Hercegovini;

Pozivajući se na Deklaraciju Vijeća za provedbu mira, sa sastanka u Briselu 23. i 24. maja 2000. godine, i njenim aneksima, u skladu sa kojima je usvajanje Zakona o Sudu Bosne i Hercegovine predviđeno do septembra 2000. godine;

Imajući na umu ponovo osnaženu strategiju reforme pravosuđa u cilju jačanja napora za uspostavu vladavine zakona u Bosni i Hercegovini iz 2002/2003 godine koju je podržao Upravni odbor Vijeća za implementaciju mira na sastanku održanom 28. februara 2002. godine konstatujući je da je pomenuta strategija osmišljena u cilju odgovora na pozive upućene od strane vlasti u Bosni i Hercegovini koje traže jači angažman međunarodne zajednice po pitanju privrednog kriminala, korupcije i problema sa kojima se suočava pravosudni sistem;

Konstatirajući također i činjenicu da je u Kominikeu izdatom u Sarajevu 31. jula 2002. godine Upravni odbor Vijeća za implementaciju mira naveo kako Odbor pozdravlja osnivanje Posebnih vijeća i podržava prijedlog Visokog predstavnika da u sastav Suda Bosne i Hercegovine i Tužilaštva Bosne i Hercegovine uključi domaće i međunarodne sudije i tužioce kroz Posebno vijeće/odjel za organizovani kriminal, privredni kriminal i korupciju;

Imajući na umu da kriminalne aktivnosti i dalje ugrožavaju ekonomska, fiskalna, tržišna i druga socijalna prava i interese građana Bosne i Hercegovine, te da će osnivanje Posebnih vijeća za organizovani kriminal, privredni kriminal i korupciju u sklopu pomenutog Suda Bosne i Hercegovine i Posebnog odjela Tužilaštva Bosne i Hercegovine unaprijediti odlučnu i efikasnu borbu protiv kriminala u Bosni i Hercegovini;

Uvjeren u vitalni značaj koji za Bosnu i Hercegovinu ima nastojanje da se ojača i slijedi vladavina prava kako bi se stvorila osnova za privredni rast i strane investicije;

Imajući stoga na umu kako hitnost tako i potrebu da se uspostave posebna vijeća i Posebni odjel za organizirani kriminal, privredni kriminal i korupciju pri Sudu Bosne i Hercegovine i Tužilaštvu Bosne i Hercegovine, te da se imenuju

međunarodne sudije i tužioci u Sud Bosne i Hercegovine i Tužilaštvo Bosne i Hercegovine, te iz svih gore navedenih razloga,

Visoki predstavnik ovim donosi slijedeću

ODLUKU

O IMENOVANJU MEĐUNARODNOG SUDIJE U SUD BOSNE I HERCEGOVINE

1. U skladu sa članom 65. stav 1., te odgovarajućim izmjenama i dopunama, Zakona o sudu Bosne i Hercegovine ("Službeni glasnik BiH", br. 29/00, 24/02 i 3/03), slijedeća osoba se ovim imenuje za međunarodnog sudiju u Posebnim vijećima za organizovani kriminal, privredni kriminal i korupciju u sklopu i Krivičnog odjela i Apelacionog odjela Suda Bosne i Hercegovine

G. FERNANDO CORREIA ESTRELA

2. Međunarodne sudije imenuju se na početni period od dvije godine, i mogu biti ponovo imenovani na maksimalno još četiri godine. U slučaju podnošenja ostavke ili spriječenosti međunarodnog sudije da na svom položaju ostane do isteka mandata, Visoki predstavnik imenuje neko drugo lice koje će na toj poziciji ostati do kraja tog mandata.
3. Imenovanje obavljeno u skladu sa ovom odlukom stupa na snagu na dan donošenja Odluke.
4. Ova odluka stupa na snagu odmah i bez odlaganja se objavljuje u "Službenom glasniku BiH".

Broj 140/03
8. maja 2003. godine
Sarajevo

Visoki predstavnik
Paddy Ashdown, s. r.

PARLAMENTARNA SKUPŠTINA BOSNE I HERCEGOVINE

138

Na osnovu člana IV.4. a) Ustava Bosne i Hercegovine, Parlamentarna skupština Bosne i Hercegovine na sjednici Predstavničkog doma, održanoj 22. aprila 2003. godine i sjednici Doma naroda, održanoj 23. aprila 2003. godine, usvojila je

ZAKON

O IZMJENAMA I DOPUNAMA ZAKONA O MEĐUNARODNOM I MEĐUENTITETSKOM CESTOVNOM PRIJEVOZU

Član 1.

U Zakonu o međunarodnom i međuentitetskom cestovnom prijevozu ("Službeni glasnik BiH", broj 1/02), u članu 3. iza riječi "licencu", riječi: "za obavljanje entitetskog prijevoza" brišu se.

Član 2.

U članu 5. stav 2. riječi: "civilnih poslova i komunikacija" zamjenjuju se riječima: "komunikacija i prometa" a riječi: "na osnovu licence koju izdaje ministarstvo entiteta" brišu se.

U stavu 4. riječi: "ministar entiteta, koji mora biti usaglašen sa pravilnikom koji propisuje" brišu se.

Član 3.

U članu 10. stav 3. tačka 5. briše se, a postojeća tačka 6. postaje tačka 5.

Član 4.

U članu 13. stav 3. riječi: "sadržaju saglasnosti iz člana 10. stav 4. tačka 5." brišu se.

Član 5.

U članu 21. stav 1. mijenja se i glasi:

"Međuentitetski linijski prijevoz putnika obavlja se prema redu vožnje koji, na zahtjev prijevoznika, odobrava nadležno ministarstvo."

Stav 2. tačka 4. briše se, a postojeća tačka 5. postaje tačka 4.

Stav 4. mijenja se i glasi:

"Bliže odredbe o postupku usklađivanja i registriranja redova vožnje pravilnikom propisuje ministar."

Član 6.

Ovaj zakon stupa na snagu osmog dana od dana objavljivanja u "Službenom glasniku BiH".

PS BiH broj 35/03
23. aprila 2003. godine
Sarajevo

Predsjedavajući Predstavničkog doma Parlamentarne skupštine BiH Šefik Džaferović, s. r.	Predsjedavajući Doma naroda Parlamentarne skupštine BiH Velimir Jukić, s. r.
---	--

139

Na osnovu člana IV.4.a) Ustava Bosne i Hercegovine, Parlamentarna skupština Bosne i Hercegovine, na sjednici Predstavničkog doma, održanoj 22. aprila 2003. godine, i na sjednici Doma naroda, održanoj 23. aprila 2003. godine, usvojila je

ZAKON**O IZMJENAMA I DOPUNAMA ZAKONA O
DRŽAVLJANSTVU BOSNE I HERCEGOVINE**

Član 1.

U Zakonu o državljanstvu Bosne i Hercegovine ("Službeni glasnik BiH", br. 4/97, 13/99 i 6/03), u članu 23. stav 1. iza tačke 3. dodaju se nove tač. 4., 5. i 6. koje glase:

- "4. kada je državljanin osuđen pravosnažnom presudom suda u BiH, radi preduzimanja radnji kojima se narušavaju ustavni poredak i sigurnost BiH, ili kada je osuđen radi članstva u organizaciji koja preduzima takve radnje, pod uslovom da takve radnje ozbiljno štete vitalnim interesima BiH,
5. kada je državljanin osuđen pravosnažnom presudom suda u BiH za krivično djelo koje uključuje krijumčarenje vatrenog oružja, eksploziva, radioaktivnog materijala ili narkotičkih sredstava i psihogenih supstanci; ili ilegalni prijevoz i trgovinu materijalima i opremom za proizvodnju oružja ili drugih sredstava masovnog uništenja; ili ilegalni ulazak u BiH, ostanak ili izlazak iz BiH pojedinaca ili grupa; ili organizira ili učestvuje u trgovini ljudima i krijumčarenjem ljudima, pod uslovom da takve radnje ozbiljno štete vitalnim interesima BiH,
6. kada je državljanin osuđen pravosnažnom presudom suda u BiH za krivično djelo koje proizlazi iz aktivnosti koje se razlikuju od onih iz tač. 4. i 5. ovog člana, a koje ozbiljno štete vitalnim interesima BiH."

Član 2.

U članu 30. stav 1. mijenja se i glasi :

- "1. Odluke o sticanju ili prestanku državljanstva BiH donosi Ministarstvo civilnih poslova BiH, osim odluka koje se

donose u skladu s čl. 6., 7., 8., 9., 10., 11., 12., 13., 21., 22. i 23., stav 1. tač. 1., 2. i 3."

Član 3.

U članu 30. stav 2. mijenja se i glasi:

- "2. Odluke prema čl. 6., 7., 8., 9., 10., 11., 12., 21., 22. i 23. stav 1. tač. 1., 2. i 3. donose kompetentne vlasti entiteta."

Član 4.

Novi član 36a. dodaje se kao prvi član u Poglavlju VII koje sadrži "Prelazne i završne odredbe", i glasi :

"Izuzetno od odredbi člana 23. "Zakona o državljanstvu BiH" ("Službeni glasnik BiH", br. 4/97, 13/99 i 6/03), na osnovu kojih se državljanstvo može oduzeti u konkretnim slučajevima, državljanstvo će se oduzeti na period koji ističe 1. januara 2008. godine u slučajevima u kojima je državljanstvo Bosne i Hercegovine stečeno pomoću prevare, lažnih informacija ili skrivanjem bilo koje relevantne činjenice koja se može odnositi na podnosioca zahtjeva (član 23. tačka 1.)."

Član 5.

Ovaj zakon stupa na snagu osmog dana od dana objavljivanja u "Službenom glasniku BiH", a objavit će se u službenim glasilima entiteta i Brčko Distrikta Bosne i Hercegovine.

PS BiH broj 40/03
23. aprila 2003. godine
Sarajevo

Predsjedavajući Predstavničkog doma Parlamentarne skupštine BiH Šefik Džaferović, s. r.	Predsjedavajući Doma naroda Parlamentarne skupštine BiH Velimir Jukić, s. r.
---	--

140

Na osnovu člana IV. 4. a) Ustava Bosne i Hercegovine Parlamentarna skupština Bosne i Hercegovine, na sjednici Predstavničkog doma održanoj 13. maja 2003. godine, i na sjednici Doma naroda, održanoj 21. maja 2003. godine, usvojila je

ZAKON**O IZMJENAMA ZAKONA O PEČATU INSTITUCIJA
BOSNE I HERCEGOVINE**

Član 1.

U Zakonu o pečatu institucija Bosne i Hercegovine ("Službeni glasnik BiH", broj 12/98) u članu 6. riječi: "Ministarstvo civilnih poslova i komunikacija" zamjenjuju se riječima: "Ministarstvo pravde".

Član 2.

Ovaj zakon stupa na snagu osmog dana od dana objavljivanja u "Službenom glasniku BiH".

PS BiH broj 56/03
21. maja 2003. godine
Sarajevo

Predsjedavajući Predstavničkog doma Parlamentarne skupštine BiH Šefik Džaferović, s. r.	Predsjedavajući Doma naroda Parlamentarne skupštine BiH Velimir Jukić, s. r.
---	--